



Tir Yimyim

www.tiryimyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimyim@gmail.com

TAPAK 3

Yangia anidakangma :



Tir Yimyim



tiryimyim@aolima



tir yimyim

TAPAK 8

Health Minister leniba nung ketdangsertemi Monkeypox tensa asadang

VOL. XXI ISSUE NO. 305 (ADOK 305) DIMAPUR AMUNGNÜ (SUNDAY)

LUROI (AUGUST) 18, 2024

₹ 5.00

Medical workers kümzüka ayutsü nangzüker

New Delhi, August 17, 2024

(Agencies): RG Kar Medical College and Hospital, Kolkata nung resident doctor dak atalokba sulen Union Ministry of Health & Family Welfare-i Honibarnü doctor tem dang akokba tashi parnok kümzüka ayutsü nangzük.

India kubok state 26 nung healthcare workers kümzüka ayutsü atema ozüngtem lateta lir. Ajisüaka Doctor Associations-i tebilemtsü onüktem benokba atema luden ka tentettsü aser parnoki healthcare workers kümzüka ayutsü atema inyakyim bushitsü ta Union Health Ministry-i nangzük.

State sorkartem dena sendaktepa alir ajaki Committee dangi tebilemba abentsü atema lapoktsütsü. Anungji tanü Dengue aser Malaria tashidak kanga menatapa public timtemba angateta lungkak aitba anentsü mepishir ta Ministry-isa ashi.

Associations of Doctors-i Ministry dang healthcare workers mapa inyakdak kümzüka ayutsü aser security agüstsütsü takhangba

agüstsü.

Union Ministry of Health & Family Welfare-i parnoki akhangbatem agizük aser akokba tashi kümzüka ayutsü nangzük.

India kubok state 26 nung healthcare workers kümzüka ayutsü atema ozüngtem lateta lir. Ajisüaka Doctor Associations-i tebilemtsü onüktem benokba atema luden ka tentettsü aser parnoki healthcare workers kümzüka ayutsü atema inyakyim bushitsü ta Union Health Ministry-i nangzük.

State sorkartem dena sendaktepa alir ajaki Committee dangi tebilemba abentsü atema lapoktsütsü. Anungji tanü Dengue aser Malaria tashidak kanga menatapa public timtemba angateta lungkak aitba anentsü mepishir ta Ministry-isa ashi.

Kohima DC-i 'travel advisory' agütsür

Dimapur, August 17, 2024

(TYO): Kohima district kubok Sechu Zubza nung Dzüdza bridge anasa anentsh tulu alua NH-29 anenbanga lir aser iba atema Kohima DC Kumar Ramnikant, IAS-i senzüenbongtsü atema temetetsü kar metedaktsüogo.

Anentsüh ajanga chainage KM 163+980 nungi KM 164+030 (RHS) tashi kongshia lir anungji iba ya lapoktsü atema anogo/hopta ishika agitsü akok ta Kohima DC-i ashi.

Tanü district administration, police, DDMA aser NHIDCL aiteta anentsüh aliba tesem

tonga oa asadanga reprangogo.

Disaster Management Act, 2005 nung ajemdaker ketdangsürtem iba temeket nung alirtem lendong nungi jenbua alitsü atema pei talidak toktsü aotsü tetuyuba agütsüogo.

1. Kohima nungi Dimapur leni aoba garitem:

(a) Jotsoma-Khonomo-Mezoma-

Sechüma- Sechü Zubza

(b) Dzüdza Bridge-Mezo Basa-

Sechüma-Sechü Zubza

2. Dimapur nungi Kohima leni aoba garitem:

Peducha Bridge-Tsiesema (10

Mile Road)

Chathe ayong atema tetuyuba kar agütsür

Dimapur, August 17, 2024

(TYO): Chumoükedima District nung tzümetüng agi kongshiba tesemtem nung Flood Management & Broad Area Programme (FMBAP) inyaktsü.

Iba mapa ya Ministry of Jal Shakti, Department of Water Resources, RD & GR, New Delhi kubok Flood Management & Broad Area Programme (FMBAP) aiteta teyari agüja inyaktsü.

Iba mapa inyaktsü atema Chumoükedima DC Polan John, NCS-i tetuyuba kar agütsüogo.

Disaster Management Act 2005 nung lateta aliba ama aser Chumoükedima District nung Chathe ayongkümen flood management project inyaktsü

atema DC Polan John-i tetuyubatem agütsür.

Iba mapa inyakdang nisung shingaia Water Resources Department nungi engineers nem tetsüdkaktsü magütsütsüla aser Chumoükedima district nung nisung shingaia Chathe ayong nung tzu ayimba menokdangtsüla ta Chumoükedima DC-i metedaktsüogo.

Water Resources Department ajanga natural/standard waterway latetba nung teka maitsüla aser nisung shingaia natural waterway atsüngä magitsüla. Item tetuyuba alema inyaksangshirtem Disaster Management Act, 2005 aser sendaktepa aliba ozüngtem kubok temerenshi alitsü ta paisa ashi.

Iba mapa inyaktsü atema Chumoükedima DC Polan John, NCS-i tetuyuba kar agütsüogo.

Disaster Management Act 2005 nung lateta aliba ama aser Chumoükedima District nung Chathe ayongkümen flood management project inyaktsü

aser aibelensang khenyongi 'bail out' masütsüla ta MALT-i akhangba metedaktsü.

Iba ama tejashi aser khuret abenba mapang MALT-i tanutsüla aser lar kibong den küleme noktaker aser ochi temeten mangu tashi akokba lenmang ajak nungi yartiepa nungitsü ta President Moayanger aser Asst.

Gen. Secy. Takotemu nati sangdong ka nung ashi.

Iba ama tesempatsü mapa inyakba nisung ozüngi melaba ama temerenshi tulu agütsütsüla

TAPAK 3

Yangia anidakangma :



Tir Yimyim



tiryimyim@aolima



tir yimyim

TAPAK 8

Southampton-i Ugochukwu

aser Lazio-i Dia alizükogo



Dimapur nunga non-emergency medical services shibang



Asüngba Ao

Dimapur, August 17, 2024

(TYO): Kolkata nung tetsür doctor ka dak tashiyim agi shi nung medembä aser tepsetba anema Indian Medical Association (IMA)-i linük ajungalen ghonda 24 mokdang nung shilem agir" ta District Hospital Dimapur nunga takok ngua agiogo.

Iba mokdang ajanga tanü non-emergency medical services nung timtem ajuruogo.

RG Kar Medical College and Hospital, Kolkata nung atalokba

lendong anema IMA-i iba mokdang ayongzüka agir.

"Nagaland nung sorkar doctor ajaki RG Kar Medical College nung tepsetba medical trainee pusema iba mokdang nung shilem agir" ta District Hospital Dimapur nunga Medical Superintendent Dr. Keveduyi Theyo-i ashi.

"Nagaland In-service Doctors Association (NIDA)-i tetuyuba agütsüba sülen DHD nung doctor temi ghonda 24 atema OPD shibanger saka emergency services ajak lapoka

kemangayakshi department naga mapu inyaker" ta District Hospital Dimapur nug Medical Consultant, Dr. George Thira-ia ashi.

Sorkari tekaratiba nung tasür nem temeten agütsütsüla aser linük ajunga nung mapang tamajung ajurua alidang publicia yariteptsü mepishir ta Dr. George-isa ashi.

Dimapur nung DHD nung dang masü saka nija mozü ki teimba ka nung OPD services shibanga lir.

BJP-i nisung crore 10 züngsemetsü alizüng ayur

New Delhi, August 17, 2024

(Agencies): Bharatiya Janata Party (BJP)-i September 1 nungi tenzüker züngsem tasen crore 10 bendenloktsü atema alizüng yua lir. Ajisüaka iba mapa ya election agitsü aliba state aser Union territory tem nungbo meinyaktsü.

Honibarnü BJP national aser state office bearers senden ka nung iba lemtet agi aser membership drive agiba ajanga BJP National President election atema lenmang lapoktsü.

Tanü senden nung BJP president & Union health minister JP Nadda, Union home Minister Amit Shah aser Jammu and Kashmir, Haryana, Maharashtra aser Jharkhand state dak alaka tanüngba state ajak nungi presidents & office bearers aden.

Linük ajungalen membership drive ya national general secretary Vinod Tawde ketdangsüba kubok inyaktsü.

Iba membership drive ya shilem balala lemsar inyaktsü aser September 1 nungi November 10 tashi nisungtemi missed call, party website aser tanga digital platforms ajanga züngsem aküntsü akok ta party spokesperson Sambit Patra-i ashi.

Election agütsüba aliba state

asera Union territory tem nungbo election temer ang iba mapa inyaktsü ta pai ashi.

2014 nung nisung crore 11 shi aser 2019 nung crore 7 shi katı membership drive agidang züngsem aküüm. 2014 aser 2019 tsüngda nisung coroe 18 shi katı BJP züngsem kümogo. Iba sülen onoki kasa mapa inyaktsü bilem saka Covid wara ajanga magitet" ta Patra-isa ashi.

Alima nung political party tulutibaji BJP ta parnoki ashir. BJP ya April 6, 1980 nü tenzük aser tan agi kümsük tasembenbuba Centre nung parnoki anir National Democratic Alliance (NDA) sorkari ketdangsüa arur.

"Tanga party tem ama masü saka BJP-ibo linük renloktsü atema inyaker ta Amit Shah-i senden nung adenertem dang ashi. Party tenzükba anogo nungi party züngsemtemi rajnaitik sukh (political comforts) ate meinyak saka sangharsh (struggle) lenmang nung jaja aser asenoki maneni timtemtsü aser linük asoshi tanen makai inyaktsü ta paisa ashi" ta Patra-i osangbener dang ashi.

BJP membership drive agiba sülen state balala nung tanurtem marudaktsütsüla ta MIP, NSCN/GPRN sangdong ka nung ashi.

NSCN/GPRN-i mapang shia night clubs, bars, lounges aser restaurants nung tanurtem mapa inyaktsü atema manioktsü tetuyuba agütsür ta NSCN/GPRN-i metedaktsü.

Night clubs, bars, lounges aser restaurants nung tanurtem anioka mapa inyakdaktsüba nguogo anungji iba ya anentsüla. Maneni, iba amala tesemi

kemangayakshi aser iba sülen NJP National President shimsü.

JP Nadda indang kümsük taküm January nung tembang saka party president election magi tashi pai maneni inyaka atatsu mapang züngzüksü aser ibaji BJP parliamentary board-ia agizük.

BJP constitution nung tamasa membership drive agütsü aser iba sülen Mandal (unit tilatiba) nungi state level tashi organisational elections agitsü. Tatem nung national president tasen shimsü election agütsü aser ibaji National Council aser State Council züngsemtemi akümba electoral college ajanga shimsü.

Kümsük pezü züngsema arurtem aser küm 15 ser tema primary members ama arurtemi national president aküntsü akok.

Electoral college züngsem 20 ser tema nungi joint proposal ka ajanga candidate ka nominate asütsü akok aser ibaji National Council elections agir aliba state pungu nungi electoral college züngsemtem asütsüla ta BJP constitution nung lateta lir.

BJP-i membership drive atema state aser Union territory nungparty lennirtem in-charges shimo.

Mangkolemba lanurtemi khukhua aitsür

Dimapur, August 17, 2024

(TYO): Chumoükedima District nung tzümetüng agi kongshiba tesemtem nung Flood Management & Broad Area Programme (FMBAP) inyaktsü.

Iba mapa inyaktsü atema Chumoükedima DC Polan John, NCS-i tetuyuba kar agütsüogo.

Disaster Management Act 2005 nung lateta aliba ama aser Chumoükedima District nung Chathe ayongkümen flood management project inyaktsü

aser aibelensang khenyongi 'bail out' masütsüla ta MALT-i akhangba metedaktsü.

Iba ama tejashi aser khuret abenba mapang MALT-i tanutsüla aser lar kibong den küleme noktaker aser ochi temeten mangu tashi akokba lenmang ajak nungi yartiepa nungitsü ta President Moayanger aser Asst.

Gen. Secy. Takotemu nati sangdong ka nung ashi.

tanurtem marudaktsütsüla ta MIP, NSCN/GPRN sangdong ka nung ashi.

NSCN/GPRN-i mapang shia night clubs, bars, lounges aser restaurants mita aotsü aser tanurtem aliba putetra kiburtem merenshitsü. Talisa iba ama tesem nung tanurtem pei pei tsürburtem nem bond nem sign südaktsüba sülen ang chiocksü ta parnoki ashi.

Alima ajungalen yi ayokba night clubs, bars, lounges mesüra restaurants nung telatetba kar yur ang inyaksangshir aser tanurtem marudaktsü. Ajisüaka Dimapur nungbo arishi küm 18 teküpokpurtem teimba kazütisper aser iba ajanga parnok taküm dang masü saka loktiliba raksatsüba yimya tamajungtem sübar, ta MIP sangdong nung shia lir.

Social Welfare dept kubok mission asemi Independence Day nung shilem agi



Social Welfare dept kubok mission asemi Independence Day nung shilem agirtem noksa nung angur. (New Delhi, August 15, 2024)

Dimapur, Luroi/August 17 (TYO): Ministry of Women & Child Development, Government of India-i jaokba sülen Social Welfare Department, Government of Nagaland kubok Mission Shakti, Mission Vatsalya aser Mission Saksham Anganwadi & Poshan 2.0 ta mission asem Nagaland tenüng nung August 15 nü Red Fort, Delhi nung 78buba Independence Day amungba mapang alakteta jaoker ama shilem agiogo.

Mission Vatsalya: District Child Protection Unit kubok alakteta jaoker rongnung

Ruzonuo Rita Rutsa, District Child Protection Officer (DCPO), Zunheboto aser Kito Ayemi, Protection Officer, Institutional Care, Zunheboto densema liasü. Mission Shakti: Hub for Empowerment of Women nungi Moamenla Longkumer, District Mission Coordinator (DMC), District Hub for Empowerment of Women, Mokokchung aser Nukshinaro, Gender Specialist, District Hub for Empowerment of Women, Mokokchung na alakteta jaoker ama shilem agi.

Kasa mapang nung Mission

Saksham Anganwadi & Poshan 2.0 nungi Joyce Murry, Anganwadi Worker (AWW), Diphupar, BICDS, Dimapur, Rural Nagaland aser Apele Chishi, Companion (Sister-in-law), Diphupar B natia shilem agi liasü.

Temettetsü kaji Ministry of Women and Child Development, Government of India-i August 14 nü Vigyan Bhawan, New Delhi nung DCPO Zunheboto, District Mission Coordinator, DHEW Mokokchung aser AWW Dimapur Rural nunger nem parnok mapa tajung asoshi tetushi agüja liasü.

NBSE-i Swachhata Pakhwada indang metedaktsü

Dimapur, Luroi/August 17 (TYO): Ministry of Education, Department of School Education and Literacy, New Delhi-i ayongzüka 2016 küm nungi küm shia school tem anisemer Swachhata Pakhwada sentong ayongzüka agi arudar.

India temerek ka asoshi school temi shilem agiba ya sorkar kubok temaba jenjang nung agizüka lir. Taküm Swachhata Pakhwada sentong ya September 1 nungi 15 tashi merekmeju, sanitation, hygiene aser tanga inyakyimtem dak sendakba nung tangazükba agütsü asoshi rangloker agitsü sentong yangluar lir.

Iba dak sendakba nung Nagaland Board of School

Education, Kohima kubok züngoksema aliba Institutions ajak dang Ministry-i tetuyuba agütsüba dak ajemdaker Swachhata Pakhwada sentong amungsü tetuyuba agütsügo.

Inyakyim agüja aliba dak ajemdaker anogoshia inyakyimtem balala benoka inyaktsü aser report/noksa a no g o s h i a swachhatapkhwadangaland@gmail.com dangi email asütsila.

Maneni Institutions tekolaktem dang inyakyimtem benoka inyaktsü, aser Swachhata Pakhwada sentong benoka inyakba mapang tetuyuba agütsür aliba ama anogoshia merekmeju sentong balala benoka inyaktsü atema tetuyuba agütsügo.

MLA Imtichuba-i school bus tenzüktsü



Dimapur, Luroi/August 17 (TYO): MLA, Imtichoba-i Agustu 17 nü Tuensang Village Students Union (TVSU) Office, Tuensang nung School Bus ka tenzükja liasü.

Commissioner, Tuensang, Lithrongla Tongpi Rutsa-ia o tatsüka jembiba mapang, kaketshirtem atema jenjang tajung agütsüba atema MLA dang kanga pelaba lemsatepa liasü. Lithrongla-i, anibelem masasai inyakba atema kaketshir lokti tentet nem tenüngsang agütsü aser yimtsüng nung aliba kaketshirtem ajungkettsü atema iba gari ya parnok meyong ama anepalutsü mepeshia liasü.

Iba sentong ta N. Nasen Kundang lenisüba nung agi aser Executive Members Er. Nabum Tonbou-i lokti pela agizükba o jembiba liasü. Maneni sentong nung TVCU tir N. Kaimangb-i ao tatsüka jembiba aser TSBL Pastor Rev. T. Mongba-i iba gari meshiteta sarasademsü. Nikongtsütsü MLA-i, Tuensang yimtsüng nung Palak Sangpayou lenmang lapokja liasü.

Tuensang nung Kisan Mela sentong agi

Dimapur, Luroi/August 17 (TYO): Agricultural Technology Management Agency (ATMA)-i ayongzüka August 16 nü Town Hall, Tuensang nung Kisan Mela sentong ka agiogo, kong Deputy Commissioner Tuensang, Lithrongla Tongpi Rutsa alakteta jaoker liasü.

nung süngalijang aser aonsotsü taliba adokdaktsütsü atema mapa kuma benoka inyaksangshitsü ajungshia liasü.

Sentong nung Deputy Commissioner-i ATMA indang Booklet "Indigenous Traditional Knowledge" sayatsü. Mela agiba anogo aluyimer aser Scientist sensaksem, Demonstration aser Exhibitions sentong tem ayongzüka agi liasü.

Iba sentong ya Odilema ATMA, Longkhim Block lenisüba nung agi aser W. Shoyan Konyak Project Director ATMA aser DSCO, Tuensang-i lokti pela agizükba o jembiba liasü.

Sentong nungsa Dr. Toshimenla Deputy Project Director, ATMA-i okila jembiba aser DAO, Tuensang, Supongmar Longchar-ia o tatsüka jembiba liasü. Sentong ya Suponglemla Chang, BTM Noksen Block-i tepela o jembiba sülen tembunga liasü.

Jaluki nung Genesis Science Expo agiogo

Dimapur, Luroi/August 17 (TYO): Genesis Science Expo den repsema career atema sensaksem August 17 nü Baptist Higher Secondary School, Jalukie B auditorium hall nung agiogo.

Iba sentong ya Baptist Higher Secondary School Jalukie B. Ngurie Organic Private Limited, Sound king Nagaland aser Pumling Frames & Lightings nunger longjemer ayongzüka agiogo. Genesis Science Expo 2024 ya "Igniting Tomorrow's innovation today" omen nung ajemdaker agi liasü.

Genesis Science Expo 2024 lapokba sentong nung Armstrong Pame, IAS Director Ministry of Information and Broadcasting alakteta jaoker liasü. Sentong nung o jembiba mapang Armstrong Pame-i, iba sentong nung shilem agitsü

atema pa jaokba atema kanga pelaba lemsatep.

Armstrong-i kaketshirtem dang, pa yimtsüng nung intetba nisung ka, kong lenmang aser light 2012 kuma tonga aru ta ashi. Pa lanuwa kaketshisatsü bushiba mapang den medemda jembiba mapang Armstrong-i kaketshirtem dang tangazükba mapang parnok kong anizüngzüka ali idaki dang malitsü ajungshiba den nükjidong atongtsü atema taküm nung timtem tekangshi ajangshia aotsü ayongzüka liasü.

Armstrong-i s a , temulungtetba tulu aliba ajanga nisung ka koda tejakdangi aor aji bilemdangtsü ayongzükba den kaketshirtem dang kaketshisatsü bushiba dak rangloksü aser parnok nükjidong atongtsü atema

meranga azüksü ajungshia.

Ano pai kaketshirtem dang study diary aser anogoshia tinyatsü kanga junga yangluayutsü ajungshiba den Tsüngrem bushitsü ajungshia, kechiyong Tsüngrem ajanga ajak takoktsü lir ta ashi. Paisa, pa pasasa dak kanga temulung lemteta aliba ya tetsü ajanga lir shibai pa asoshi teti Sarasademsü ta ashi.

Sentong nung CEO kendew coaching centre aser Peihato Administrator Baptist higher secondary school Jalukie B Peihauding Reunim-i okila jembiba aser CED Kendeu coaching centre, Igumsing Hingleu lenisüba nung iba sentong agi liasü. Sentong nungsa Rev. Heuziebe Pastor Jalukie B Baptist Church-i Tsüngrem temaotsü meshizüka sarasademsüta liasü.

Kasa mapang nung Deputy

Longleng nung Creative Workshop agi



Dimapur, Luroi/August 17 (TYO): Longleng nung Poetry Writing aser Folktale Narration dak sendakba nung anogo ka atema Creative Workshop ka ayongzüka agiogo. Iba sentong ya Yingli College, Longleng English Department-i ayongzüka August 17 nü St. Joseph School, Longleng nung agi liasü. Extension service nung shilem ka ama iba sentong ayongzüka agiogo.

Creative Workshop sentong ya BA 5th semester nung

azünger Nyaksham Phom lenisüba nung agi aser Assistant Professor Tonghon Phom-i okila jembiba liasü. Iba sülen 3rd semester kaketshirtemi recital ka asü aser BA 5th semester nung azünger Chasan Phom-i tebou ortsu ka shia liasü.

Sentong nungsa Question aser Answer session ka agi, kong St. Joseph School kaketshirtemi creative writing aser poetry dak sendakba nung tasüngdanga balala asüngdanga liasü. Sentong nung

English Department nungi Assistant Professor Dr. Kekhriengulieü Tachü aser Ketousieno Catherine natia shilem agi liasü.

Maneni Workshop mapang practical session ka agi, kong kaketshirtemi parnok mapatem sayuba den shilem balala agi liasü.

Sentong ya Dr. AK Chowdhary, HoD-i o jembiba sülen BA 1st Semester nungi Hentong Phom-i tepela o jembiba tembunga liasü.



Udaipur, August 17, 2024: Rajasthan kubok Udaipur nung aliba sorkar school ka nung tanur kati tanur ka dak kotari agi tsungoksüba sülen rara adokdang nisung kari gari nung mi senoktsür arongdang tangokba noksa nung angur.

Health Minister leniba nung ketdangsertemi Monkeypox tensa asadang

New Delhi, Luroi/August 17 health facilities renemshitsü (Agencies): Honibarnü Union asoshi telemtetba agiogo," ta Health Minister, JP Nadda leniba nung ketdangsertem "Monkeypox ya hopta 2-4 shi senden mena Monkeypox tensa dang alir aser shirangertemji asadangba den küleme iba wara aterem terenemshiba jenjang asadangogo.

Senden tembangba sülen Union health ministry-i sangdong ka ajanga, "Union health minister leniba nung amenba senden nung kanga kümdanga alitsü aser mera kar agiba den küleme airports, seaports aser ground crossings nung health units nem iba indang osang metetdakstsü; testing Laboratories renema alitsü, iba wara putettsü, iba wara keta alirtem pilar ayutsü aser shirangertem anepalutsü atema

Medical Research (ICMR)-ia Mpox ya ajanga nisungtem dak kongshiba, talisa HIV agi shirangertem dak kongshiba tali jangjaa angatettetsü atema yaküm nungi serosurvey ka agidar.

Hokolbarnü Tamil Nadu nung Directorate of Public Health (DPH) aser Preventive Medicine-i Airport Health Officers aser Port Health Officers dang kanga kümdanga alitsü, talisa Democratic Republic of Congo aser Central African linüktem nungi aruba passenger tem dak tenük yoka alitsü metetdakstsü.

India nung dang masü tanga linük aika nungi iba wara nokdangtsü atema mera agia inyakdar.

Tawa Africa kubok linük 13 nung iba tashidak putetogo.

Ano kulen Indian Council of

Maharashtra nung Bangladesh tensa atema longkak aitdangrara adok

New Delhi, August 17

(Agencies): Bangladesh nung Hindu nunger amakba anema longkak aitdang Maharashtra kubok yimti ana nung rara adok.

Mumbai nungi kilometer 200 shi pilar aliba Nashik yimti nunga Sakal Hindu Samaj-i ayongzüka longkak aitba mapang nung telok ana tsungda rara adoka lung agi ontepang police trok yiruogo. Bhadrakali area nung rara adokba mapang nung lokti senshidakstsü atema police-i tear gas shells amshia liasü.

Osangbener den jembidang Nashik police commissioner, Sandeep Karnik-i, "Tensa mejungi lir saka azüokteta lir. Lokti senshidakstsü atema tear gas shells trok aser rubber bullet ka amshia liasü. Police-a trok yiruogo. Tensa azüoktsü atema State Reserve Police Force (SRPF) sepaitem densema police aika yoka lir," ta

metetdakstsü.

Nikongdang Sakal Hindu Samaj züngsemtemi motorbike rally agiba densema longkak aitba mapang nung tetuyuba anema dokan kar lapoker liasü. Iba sülen telok ana tsungda rara tenzüka long agi ontep aser gari kar raksaja liasü.

Mumbai nungi kilometer 400 shi pilar aliba Jalgaon nunga Sakal Hindu Samaj-i longkak aitdang gari indang showroom ka nung long onoktsüba nungi rara adok.

Mapang tatsüka rara saka police-i tensa azüokteto.

Bangladesh nung Sheikh Hasina-i aniba sorkar chirepba sülen linük tesem aika nung Muslim nungertem Hindu nungertem amakba tatalokba osang aika lir. Bangladesh nung Hindu nungertem amakba anema Sakal Hindu Samaj-i longkak aitba sentongji ayongzüka liasü.



August 17, 2024 nü New Delhi nung Union Finance Minister, Nirmala Sitharaman aser International Monetary Fund nung Deputy Managing Director, Gita Gopinath na senden amenba sülen tangokba noksa nung angur.

Chhattisgarh nung tsüngi agi tetsür asemaiset

Raipur, August 17

(Agencies): Honibarnü Chhattisgarh state nung tsüngi agi tetsür asem aiseta asü aser nisung tenet yiruogo, ta kettangsertemi metetdakstsü.

Police-i ashiba agi, Chandamuda yimda tetsürtemji tzülu nung mapa teinyakdak mapang nung anünglen nungi tsüngi yaloktsü, aser iba lendong nungji tetsür ana asü aser tetsür tenet yiru.

Ano tanga tatalokba ka nung, Bagbazar area nunga tetsür ka tsüngi lendong nung asü.

Tsüngi lendong nung asürtemji arrshi küm 35, Shraddha Yadav, Rakhi Painkara (20) aser Akhiyaro Minj (40) nunger liasü.

Tsüngi lendong nung yirur tetsür tenet nungjagi parnok asemo Surguja district kubok Ambikapur nung aliba hospital kati anir ao aser parnok pezu Pathalgao nung aliba hospital ka nung yaridar, ta kettangser kati

metetdakstsü.

State sorkari iba lendong nung asürtem kibongtem nem sen lakh pezü teyari agüstsü, ta sangdongogo.

Iba osang angashia Chief Minister Vishnu Deo Sai-i X ajanga, "Jashpur district nung tsüngi lendong nung tetsür asem asüba aser aika yiruba osang tamajung angashiogo. Yirua alirtem tajungtiba nung yariang, ta district administration dang tuyuogo," ta metetdakstsü.

CM-isa iba lendong nung asür kibongtem den mangyim jashi lemsatep.

Tawa Uttar Pradesh nunga tsüngi lendong nung nisung 30 dak tema süogo aser Bihar nunga tsüngi lendong nung nisung 40 shi süogo.

Tsüngi lendong nung asürtemji teimbaka tzülu nung mapa inyakdang, kiset shiruru chiyimdaktsüdang mesüra tzünglu nungi süngdong akhüm nung jenoka alidang tsüngi yalokja asürtem liasü.



August 17, 2024 nü Uttar Pradesh kubok Kanpur aser Bhimsen station na tsungda Sabarmati Express passenger train tsükokba sülen tangokba noksa nung angur.



TIR YIMYIM YIMOBILEM (EDITORIAL)

DIMAPUR AMUNGNÜ, AUGUST (LUROI) 18, 2024

Atangjiba Lenmang

Asenoki tarutsü tia indang kanga jembir kechiyong tang dang nungibo tarutsü tiajiang tongtibangtiba lir. Ajisüaka, shisabolutsü kaji asenok shingaia pei tarutsü tia indang memetet, anungji Tsüngremi dang meteta lir ta jembir. Tetezü, asenoki memetetaka Tsüngremi asenok tarutsü anogotem lia aotsü asoshi sentong renemja lir. Ibaj atongtsü atema asenok asoshi len maitsübaji kanga tongtibang asütsü. Asenok asoshi talidak ki tajung ka renemja akayonga asenok len aia ora, kodanga asenoki iba kiji matongtsü. Atangji, asenok nisung shia asoshi tarutsü tia, temoatsü aser talidak ki balala renemja alitsü akok saka Laishibai ashir lenmangbo ka dang lir aser iba lenmangji Yisu Khrista. Iba lenmang yagibo alima nung asenok asoshi renemtsüba tarutsü tia ajurutsüba dang masü saka kotak lima tashi anir. Ibaj jangratemtsüka saka ano tekümdangtsü tulu lir. Iba lenmangji maii aotsübaji asenok nisung shia asoshi len sayur kaka nüngdaker aser ibaj tanüla temeshi lir. Kodang asenok Tsüngrem den anogo shia jajadir asenok aotsüba lenmang shitak nung asenok odar ta asenoki bileytsüla. Aji oda, Tsüngrem den asenok anogo shia jajaba lagi Tsüngremi asen taküm asoshi renemtsüba mapa aser temoatsütem ajak angateta aotsü. Tanüla temeshi ajanga asenok dang Tsüngremi mulungba lenmang nung jajatsü teyutsü aser kodang asenoki tanüla temeshii sayuba lenmang nung tashi angaa Tsüngrem den jajadir, asenoki aginüba aser yongyaba tesemji shitak atongtsü. Tsüngrem den jajabaji Yisu Khrista den jajaba lir, kechiyong Yisu ashi, "niji dang lenmang, ochi aser takümji lir, anungji ni ajanga dang tebu dangi otetsü" Yohan 14:6. Aiben asenoki ochi lenmang nung mejajanür, tetezü Yisu denbo mejajaner saka tarutsü nungbo junga linür aser kotaki onür. Asenoki Tsüngrem dang nungi tajung imlar saka Yisu tenüng nung sarasadembö mesüner. Ajisüaka, asenok dangi tajung aser tesünep arutsüba lenmangji ka dang lir, ibaj Yisu Khrista. Atangji, asenok aikati Yisu Khrista ya Tsüngrem chir ta meteta lir saka lenmanga tabo memetet. Iba lagi Yisu Khrista dangbo asüngdanger saka Pai teyuba lenmanglenibo maor. Yisu taküm alidanga, Pa nütsüngtemi Pa dang kongi aotsü ta masüngdang, saka parnoki Yisu koleni odır Pa sülen anidak, kechiyong Paji lenmang liasü. Iba kasaji Yisu sülen anidakertembo tebok sunga chiyongdaktsü, nükpoker ngudaktsü, shiranger jungtsü aser tasür shi arudaktsü. Item anisüngzük aser teneptsüji Yisu den jajaba aser Pa sülen anidakba ajanga angu. Aiben asenoki Yisu den jajatsübaji masü saka tadongtsü dang bilemer. Iba lagi asenok Tsüngrem den tesendaktep ayutsü melena asenok tejangraba aser taginübatem tama bushiyonga aor. Tsüngrem sentong mangateti Tsüngrem den pilar jajabaji aji asütsü. Yisu ajanga asenok tarutsü tia aser talidak bushia aotsüba lenmang dak alaka tanga lenmang tatsübaa mali aser talangbaa mali. Tanü asenoki kecha meinyaki tangar meyong shilem agi yakta takar akümtsü merangba mesüra shi jangratem ataloktsü asoshi tanüla temeshi jashidaktsütsüa inyakba ajakji, asenoki lenmang shitakbalen masü saka yakta atongtsü bilema Tsüngrem dang masüngdanger lenmang tatsübalen bushia aoba mapa asütsü. Iba lenmangleni anibaji mezüngbo temoatsü lima ka atonger amai asütsü saka ajungbena samatsü. Ibaj Tsüngrem o lir. Shitakba lenmang leni aoba agi ani belem talila ajurutsüa akok mesüra tesü atongtsüa akok, saka tenyar Paul-i ashi ama, tanü asenok timatembä yabo tarutsü nung asenok atema Tsüngremi renemtsüba tia aser sentsüwangshi sempet denbo medemdangtsüla masü. Ibaj mamadoki anogo shia asenok Yisu den jajadi kechiyong Yisuji dang atangjiba lenmang lir.

OLEMSABANG

TOKLANG TENZÜKERI SEN KETDANGSÜBA

~ P.Renthy Jamir

(*Yashi adok nungi...*)

Tang toklang tenzüker onük dangi arua iba ocet tembangdi. Iba ya arogo nung sentakba zülur asünung arogo otsü Ainkar mapang, Yisu mapang tenyartem mapang toklang tenzüker koba tia nung chia jema sen ketdangsüba aru tongtibang kar agiteta zülur. Mezungbuba nung Ainkar mapang toklang tenzüker libaliru (standard) alima nung ainkar Tsüngremer wadang nung toklang tenzüker tulutiba shiba shi temang dena kotaki ao Elija taküm indang bushidangdi pa taküm kümzüktsü aiben jenshia lungpok nung mejanga ali. Pa chiyungtsü reprangdangra yamai zülua angur. Aser warotemi shi aser amtsük anepdang aser aonung pa nem bener arutsü I.Chuba 17-6 Aor sobaliba nungbo waroi chituba machir tongtibangsa süchir arürleper alu nung chitem aAor sobaliba nungbo waroi chituba machir tongtibangsa süchir arürleper alu nung chitem ayuba nung waroi khen danga mechioke lira iba chi mechiyungtsü waro bangmongji tashibangtsü tulu. Saka toklang tenzüker Elijah Waroi shi aser amtsük bentsür aruba chia taküm sot aji mechira pa lumiseta asütsü. Ano Yisu mapang nung toklang tenzüker inyakim reprangdangra sayutsüngi aodang Revival nung atentsü aodang kheni sen mabentsü tola süsoshi anana mabentsü aser chiyungtsü kecha mabentsü parnoki kechi agütsüdir aji achitsü tetezü lakar tobur ajung sayua masü standard chiyunga masü ano shinga nema salem tagütsü tulur takar sanga meshimetsü tesü. Yisu mapang tashibo envelope system ya mali asü. Anungji yangi pai nenok meyipa tarui miima semtsüba envelope temeshi ta mashi südi kechiyong sayutsüngir aser counsellor atema corruption tulutibaji ya lir. Tasembuba toklang tenzüker Yisu sur tenyartem mapangi arudi tenyartem mapang nung arogotemi tenlabu ajak arogoshia Pauli nisung temulung lemtetba kaka shimmers anepaludakja Yirusalemisa bener yok ta ashir. Tanü asüng Revival jangraba ama ya tenyartem mapang kanga mulungsoa tenlatep. Anungji nisung tsüngdang Tsüngrem tsüngdang item rongsen nung tai memenatsü atema parnoki kanga kümdunder ketdang asü. We want to avoid any criticism of the way we administer this liberal gift. Angadi talubosa agütsüba koba onoki ketdangasür iba nung nisung shiangaia onok nem tai magütsütsü asoshi onoki kümdunder. II Kor.8:20. Iba ya tenyartem mapang toklang tenzukeri sen ketdangsüba tanü toklang tenzukeri sen ketdangsüba den medemdang.

Tang Ao lima dangi arudi Tsüngremibö Israel nunger dangbo chuba-a süngla sen aika rizünga mayutsüla ta ozüng agutsü. Taz.17:17. Saka kechiba Aor toklang tenzüker temi sen yamai meimer, India Governmentibö January 2010 nungi shinga nema pension magütsür tetezü iba system ya alima atema majung ABAM-i bo Revernditem nem pension agütsütsü lemtet tarutsü putu tia majendangba taoba 2022 küm nungi Nagaland State Governmenti ita sen agir pensioner Medical Allowance sen 800 agüja aliba 400 ita shia katir saka arogo nung toklang tenzüker shirangba saru inti atema tasen tenteta sarur ano Arogo kar nungbo kilen saru sarur ta angashir. Ano toklang tenzukeri sen ketdangsüba nung tapu tipleni odaktsüba crore asema ta crore ana ta lakh 30-a ta ajaklen angashir. Itemi miimbanger memiimbangtetbatem ano temai madok aika lir. Ao lima nung arogoi saruba tentet saru ya majemshira aser toklang tenzukeri sen ketdangsüba yimya ya matsüshira France lima yimten saru dangbo arogo saru teimba aji metiteti Revolution tulu adokba ama adoktsü menua mali ta shisa lemsateper.

**Iba Olemsabang nung lemsaba ken-o aser shisatsü ya iba ocet züluri
bilemba ken-o ama tazüngeri angateta agitsü mepishir**

India nung Khristantemi National Day of Prayer & Protest among



August 10, 2024 nü New Delhi nung Khristantemi National Day of Prayer & Protest amongdang tangokba noksa nung angur.

August 17, 2024: August 10, 2024 nü India tesem ajaklen Khristantemi National Day of Prayer & Protest among; iba anogomong nung Khristantemi India nung Dalit Khristantem aser Dalit Muslim nungertem züngoktsü benoka lir. Kaka Kalekar Commission (1955), Mandal Commission (1983), Sachar Committee (2006) aser Ranganath Misra Commission (2007)-i Dalit Khristantem aser Dalit Muslim nungertem nem SC jenjang agütsü nüngdak, ta benoka liasü.

Constitution (Scheduled Castes) Order of 1950 sülen küm 74 ajungba anogomong nung Khristantemi Dalit Khristantem aser Dalit Muslim nungertem nem SC jenjang agütsü nüngdak, ta benoka liasü.

August 10 nü linük tesem ajaklen Dalit nunger Khristan aser Muslim nungertem longkak aitba den külemi sarasadem sentongtem agia liasü.

New Delhi nunga Jantar Mantar nung anepdang 10:00 ako nungi nikongdang 1:00 ako tashi Khristantemi sarasadem agiba den külemi longkak aita liasü.

Delhi nung ayongzükba sentongji Catholic Bishops Conference of India (CBCI), National Council of Churches in India (NCCI) aser National Council of Dalit Christians (NCDC)-i senteper ayongzük.

Telangana kübok Khammam district nunga Bishop, Sagili Prakash leniba nung Khristantemi longkak aita liasü. Bishop-i Parliament nung Dalit Christian Bill benoktsü aser Commission balalai benokba onüktem mapa kümä inyaktsü takhangba agütsü.

Dalit nunger loktiliba aser rongsenkettsüng jenjang ajungkettsütsü atema India

Tamalen Commissions aser committee balalai SC nung Dalit Khristantem aser Muslim nungertem züngoktsü benoka lir. Kaka Kalekar Commission (1955), Mandal Commission (1983), Sachar Committee (2006) aser Ranganath Misra Commission (2007)-i Dalit Khristantem aser Dalit Muslim nungertem nem SC jenjang agütsü nüngdak, ta benoka liasü.

Küm shia August 10 anogo nungsa India nung Khristantemi Dalit nunger Khristantem pusema Black Day amonger. India nung Dalit Khristantem nem Scheduled Caste jenjang magütsür aser ibaji tamangba yimsü nung ajemdaker inyakba lir.

India nung Hindu, Sikh aser Buddhist Dalit nunger nembo tekümzükba agütsüba densema Scheduled Castes jenjang kübok maongka aser tajangzük balala agütsür. Ajisüaka küm meyirjang aika India nunger Dalit nunger tembo bendangshidanga züngshir aser loktiliba nung teküboktiba kinji parnok lir.

India nunger temzüng kübok Dalit nungersa süaka Hindu, Sikh aser Buddhist Dalit nunger nem maongka balaka agütsür saka Muslim aser Khristan Dalits nembo item maongkaji magütsür, ibayongji August 10 nü Khristantemi longkak aita "Black Day" amonger.

Dalit nunger loktiliba aser rongsenkettsüng jenjang ajungkettsütsü atema India

linük temzüng nung parnok nem sorkar mapa aser shisaliok rejutem nung menden shiteta yutsür.

1950 küm August 10 nü India Tir mezungbuba, Rajendra Prasad-i sign asüba Constitution (Scheduled Caste) Order (Paragraph 3) nung mezungbo yamai shia liasü "Hindu yimsü dak alaka tanga yimsü amangertemji Scheduled Caste züngsem asütsü metemsü."

Sikh nunger item maongka akhangba sülen parnoka züngoktsü atema 1956 küm temzüng yanglushia liasü. 1990 küm Buddhist nunger nema kasa maongkaji agütsü. Dalit Muslim aser Dalit Khristantem kasa maongkaji akhanger saka magütsür.

Hindu nunger billion 1.3 aliba linük, India nung nütsüng shilem 2.3 dang Khristan nütsüng lir aser iba nungjagi shilem 60 shibo Dalit Khristantem lir.

India nung Catholic Arogoi Dalit Khristantem atema kanga bilemteta tila kümä ajemalua Tsüngrem den lungjema tatokba meshia alitsü mamadoktsüla. Pei taküm pei sasa mebushi sur tangar tashi maitba dak dang rangloker Farisi nungba ama pei temeden bushia pei sasa pei dak temulung lemer lira tesasatsü aser takoksa tulu ajurutsü.

Anungji alimelen sarusang amaji Tsüngrem dang odia asen menentem nangzüka pa dang taochi meshia lidi.

ANOGO ABEN TSÜNGREM DEN

PEI MENEN METETA SARASADEMBA

Nisung ana sarasademtsü tenla kidangi atu, ka Farisi aser tangar kaji alimelen sarur.... Luk 18:10

Iba Lai O nung Yisui o entepba ka ajanga jembiba angur. Pei sasa pei metena bilemba, jembiba aser inyakbaji Tsüngrem tsüngdang metemsü. Yangi nisung ana tenla kidangi sarasademtsü atu, Farisi nungbai alimelen sarusang temenen dak rangloka pei menenbo mali amai aija sarasadem. Saka alimelen sarusangiboo yamai sarasadem "Oh Tsüngrem, ni temenen nisung ka, kù dang aochiang!" Tekong 14b nung ashir, "kechiaser shibaisa pei sasa uludir, pa tila akümtsü, saka shibaisa pei sasa ajemaludir pa ulutsütsü." Shin o "Ajemalu nisungi meimlabo sempet agizüktsü tiatsür"

Meimchir asünung shinga tabensaba mali. Saka mapang shia pei-i inyaksaba temenentem bilemteta tila kümä ajemalua Tsüngrem den lungjema tatokba meshia alitsü mamadoktsüla. Pei taküm pei sasa mebushi sur tangar tashi maitba dak dang rangloker Farisi nungba ama pei temeden bushia pei sasa pei dak temulung lemer lira tesasatsü aser takoksa tulu ajurutsü. Anungji alimelen sarusang amaji Tsüngrem dang odia asen menentem nangzüka pa dang taochi meshia lidi.

Afghanistan nung Khristantem atema tensa tamajungba akümer

August 17, 2024: Afghanistan ajangshir.

nung Taliban teloki sorkar Mapang shia akümba sülen küm asem abensaogo, ajisüaka iba linük nung Khristantem tetsübu nung dang alir, ta International Christian Concern (ICC)-i metedaktsü.

Taliban sorkar küm asem abensaogo benjungmeng Bodhbarnü (August 14) Bagram Airfield nung ayongzüka among. Taoba mapang nungbo Bagram Airfield ya Afghanistan nung U.S. military base tulutiba liasü.

2021 küm Afghanistan nung US-i pusemba sorkar chirep aser lenirtem linük nungi ajenba sülen August 15 nü Taliban teloki sorkar tenteta liasü.

Afghanistan nung yimsü temeden aser meimchir temeden jenjang tajungba kümä liasü, ajisüaka Taliban teloki sorkar akümba sülen item temeden jenjang kanga mejungi kümogo.

Joko iba linük nung sorkar tsütsülen nungi dang masü saka loktiliba tsütsülen nungia Khristantem timtem kanga

Islamic kiralongrartemi anüdoklen Congo nung Khristan 30 tepset

August 17, 2024: Tawa Kotanarespe, Nakota, Musangwa aser Akwekwe yimtsüngtem nungi liasü, ta metedaktsü.

"ADF kiralongrartemi Arabic oshi jembia tepsetertemji asen adianutem, aianutem, jalatem aser jabasotem lir," ta pai metedaktsü.

Yangji alir kati, "Tawa kiralongrartemi amakba ajanga ozü nüburtem kanga aoksaogo. Onok chiyungba langbang nung menden tazüng kümogo aser

onok amoi mouteter. Onoki mapang shia mangyimer aser onoki ajangshiba timtem ya onok chirnurtemia ajangshir. Shidakba agibo tanurtem ya asayatepa pelateptsü mapang lir, saka parnoka tetsübu nung dang alir," ta metedaktsü.

Beni nung Anglican Bishop-i, "Tetsübu nung dang aliba ajanga ani-belemdaktsür. Onoki tensa junga lir ama alitsü meranger saka ola tulu ajak ajanga onok aoksadaktsür," ta metedaktsü.

US State Department-i Afghanistan ya kodanga CPC mesüra Special Watch List nung mezüngokdang, ajisüaka Taliban telokbo 1999 nungi 2001 küm tashi Entity of Particular Concern (ECP) nung züngoka liasü.

AO OSHI ANGAZÜKDAK:**TANÜ ANGAZÜKTSÜBA OJANG****Talubosa**


(adv) perir anünga, magimatsüsa (plenty)

* Asenoki benjong mapang chiyongtsü talubosa amshir.

Tam

(n) jang nung tsük aser waküp aliba (husk in rice)

* Jang nung tam ajak shimdoker sorutsüla.

OLONG PAITEP # 6898**TIPLÉN**

1. Nisung jenti
4. Tsük rudenba
6. Temzung tesashi
8. S. __ i
9. Nisung rongnung telemsa
10. Anogoshi
12. Ajanga aor
13. Tsük rizüngdak
14. Tebang nungi adokba
16. Süngdong tatembangtiba
17. Meputep

LANGTSÜNGLEN

- (5)
- (5)
- (5)
- (3)
- (3)
- (4)
- (4)
- (3)
- (3)
- (5)
- (5)
1. Tenük telong
2. Committee dang ajar
3. Yagi ki okdoker
4. Yim lenmang
5. Temoatsü keter meyipa aruba
6. Kanga junga menemba
7. Kenyongi majinü
8. Rong kanga tulu

OLONG PAITEP # 6897 TELANGZÜBA**TIPLÉN :**

1. Kasa, 3. Azüpet, 5. Tejebinü,
8. Zutep, 9. Amang, 10. Mesen,
12. Lakzü, 15. Shisashir,
16. Nemten, 17. Atep.

LANGTSÜNGLEN :

2. Satet, 3. Asep, 4. Tsüngkü,
6. Ita, 7. Azümesen, 11. Shi,
14. Asen.

NAI-A YA METETTER MA

Karnataka kubok Hubli nung alima nung "longest railway station" yanglutetogo. 1507 meters Hubli railway station ya Rs 20.1 crore endoka yanglu aser single platform nung train talangtema anenteter. Guinness Book of World Records nung Hubli railway station nung Platform 8 zuluokogo aser iba ajanga India-i world-class transportation facilities agütsütsü tenangzükba nung inyakba jungkai adoka sayur. Tesüba nung iba otsü tasen ya Gorakhpur, Uttar Pradesh nung yangluteta liasü.

Mizoram nung Manipur nungi IDPs-i Mizo oshi angazük**Aizawl, August 17, 2024**

(Agencies): Mizoram nung Central Young Mizo Association (CYMA)-i Mizo Literature and Language Teachers' Academy (MILLTA) den yaritepa Manipur nungi internally displaced people dang Mizo oshi sayutsü tenzükogo.

Iba sentong ya RAY hall, Aizawl nung CYMA president Lalhmachuana-i ashii.

Sentong nung CYMA vice president Prof. Lalnuntluanga menden liasü aser organisation secretary Prof Malsawmliana-i training programme osang lemsatep.

"Mizo oshi angazükba ya jembitsü metetba dang masü saka Mizo kintem ajak longjemtsü atema tongtipang lir" Paisa internally displaced

people dang iba sentong nung temulung agüja adentsü ayongzük.

Manipur kubok district balala nungi kibong 59 (nisung 250) tashi RAY hall nung jenoka lir.

IDPs-i CYMA dang Mizo oshi angazüktsü jangraba lemsatep aser iba sülen CYMA-i MILLTA tenangzüktep ka agir iba sentong tenzükogo.

Lt General Pendharkar-i Churachandpur tensa meyipa reprangshi**Imphal, August 17, 2024**

(Agencies): Indian Army nung Spear Corps General Officer Commanding tasen Lieutenant General Abhijit Pendharkar-i Churachandpur nung internal security situation aser Assam Rifles maparen reprangshimogo.

Lt Gen Pendharkar-i August 10 nü iba mapa agizük aser pai sepaitem nem tenüngsang agütsü. AR sepaitemi mapa tajung inyakba, bendanga agütsüba aser nüngsen kecha melii inyakba atema tenüngsang agütsür ta pai ashi.

Lt Gen Pendharkar ya Assam Regiment nung 1990

alumnus ka lir aser pai küm 34 tashi inyaka arudang aika ajangshio.

Pai Jammu and Kashmir nung counter-insurgency operations aser Line of Control nung formations balala madak ketdangsüa aru.

Lt Gen Pendharkar-i August 10 nü iba mapa agizük aser pai sepaitem nem tenüngsang agütsü. AR sepaitemi mapa tajung inyakba, bendanga agütsüba aser nüngsen kecha melii inyakba atema tenüngsang agütsür ta pai ashi.

Hokolbarnü Kangpokpi aser Imphal East district tem nung sepaitemi telungpurtem tesep ana makdok aser prangpong injang aika nguogo.

Kangpokpi district nung Kuki-Zo nunger teimba aser Imphal East nung Meitei nunger teimba ser alir.

Assam Rifles aser Manipur Police külemi mita aodang Loiching Ridge nung 7.62mm SLR Mk 1, 9mm CMG, 9mm pistol, 12-bore single barrel rifle, long-range improvised mortar, short-range improvised mortar aser tanga osettem angu.

Parnokisa Changsang mid hills nung mita aodang .32 pistol, Pompi (a type of improvised explosive device), country-made 12-bore rifle, single-bore rifle, catapult gun, ammunition, explosives aser raradang amshiba osettem ngutetogo.

Assam nung 1.8 megawatts rooftop solar power enokogo**Guwahati, August 17, 2024**

(Agencies): Assam state sorkari policy aika melenshiogo ta CM Sarma-i sorkari electricity aser public

transportation atema power tajung agütsütsü meranga inyaker ta Chief Minister Himanta Biswa Sarma-i ashi.

PM Surya Ghar initiative kubok Assam-i rooftop solar power capacity 1.8 megawatts (MW) enokogo.

State ajungalen solar energy ajungkettsü nükjidong nung iba mapa inyaker

asernü tsüngda rooftop solar panels enoktsü aser smart electric metre enoktsütsü ta sorkar ketdangsür kati ashi.

Assam nung tarutsü nung huge green energy aika adoktsü aser state sorkari 2030 tashi nung maximum green energy tongtetsü alizüng lir ta pai ashi.

Assam nung 10-kilowatt solar rooftop panel enoktsü atema technical feasibility approval agütsügo. Anogo

wastelands nung solar power generation mapa inyaktsü lenmang sadema lir ta ketdangsürisa ashi.

Anogoshia fossil fuels ajanga adokba electricity jenjang teimba akümer saka solar power tajemba akümer ta paisa ashi.

Israel-i Lebanon amak; nisung 10 tepset



Southern Lebanon kübok Nabatieh tesem Israel-i anüng ajanga maka raksatsür aliba noksa nung angur.

Beirut, Luroi/August 17 (Agencies): Israel-i anüng ajanga southern Lebanon amakba sülen nisung 10 tepsetogo, ta Lebanon indang Ministry of Health-i ashi. Kasa mapang nung Israel military-ia parnoki Hezbollah pur prangbong injang aser hadir balala bendena ayuba tesem ka makogo, ta shiogo.

Nabatieh tesem amakba mapang asürtem rongnung tetsür ka aser lar tanur ana densema lir aser kasa mapang nung nisung ana kanga mejungi yiruba den nisung pongu tashi yiruogo, ta ministry-i Honibarnü sangdong ka ajanga metetdaktsü. Parnokisa nisung aliba ki ka dena maka liasü ta ashi.

Israel indang military-i parnok indang Telegram channel ajanga ashiba agi, parnok indang air force-i Nabatieh nung Lebanon nunger telungpur telok Hezbollah pur indang prangbong injang aser hadir bendena ayuba tesem ka makogo. Iba tesem ya Israel arrtsü nungi km 12 shi pilar lir.

Military-i, social media ajanga parnok indang fighter jets temi Nabatieh yimti nungi km 50 dak tema pilar Maroun al-Ras aser Aita al-Shaab yimtsüng nung military indang kitem makogo, ta ashi.

Lebanon indang National News Agency-i ashiba agi, Wadi al-Kfour tezü nung aliba brick mill ka amak aser iba mill amakba mapang asürtem rongnung mill achaayanger ka, Syria nunger ka aser par kibong ajunga densema lir.

Mohammad Shoaib, shibai Wadi al-Kfour nung slaughterhouse ka kibur lir, pai ashiba agi, Israel nungeri

nüburtem aliba aser factory balala amenoker aliba tesem ka maka liasü, kong longru, metal, aser aluminum yangluba factory tem aser dairy farm ka dena amenoka lir.

Iba tatalokba dak sendakba nung Hezbollah puri tang tashi nung kecha telangzüba agiija mali.

Gaza nung rara tenzükba sülen Israel aser Hezbollah na anogoshia amai arrtsü nung khatepa arudar aser tang iba tesem amakba ya tesem balala amakba rongnung tamajungtiba ka lir. Hamas pur pusema Hezbollah-i Israel nunger sepaitem maka arudar.

Armed Conflict Location and Event Data Project-i ashiba agi, October 7 nungi July 31 nü tashi nung Israel, Hezbollah aser Lebanon nung telungpur telok balala tsüngda kati ka 8,533 benbo maktepogo.

Hezbollah aser tanga telungpur teloktemi Israel nung tesem balala 1,500 ben makogo aser iba mapang Israel nunger 23 tepsetogo.

July ita Israel-i atsünger aliba Golan Heights kübok Druze yimtsüng nung tanurtem timba sur nisung 12 tepsetba sülen tensa kanga mejungi aküm, koba Hezbollah dak tai tongloksüogo, ajisüaka Hezbollah puri iba tesem amakba ya parnok mapa masü ta shiogo.

Iba sülen Israel-i Beirut tezülen missile amshia amakba mapang Hezbollah commander Fuad Shukr tepset.

Iba sülen Hezbollah puri telangzüba tesashi agütsütsü ta shiogo aser Iran-ia Tehran nung Hamas indang political chief Ismail Haniyeh tepsetba atema

Israel nem telangzüba tapet agütsütsü ta tenangzükba agütsüogo.

Israel-i tongtibang leniritem tepsetba aser middle east nung tanga linüktemi meyiper Israel amaktsü ta amokmerenba ajanga iba tesem temeket nung tensa kanga mejungi kümer lir.

Israel aser Hezbollah na 2006 küm tatemska khatepba sülen Iran den sendaktepaba aliba telok indang military tashi taitba kümogo, ta ken o asadangertemi ashi.

Hokolbarnü Hezbollah puri underground facility ka nung tunnel tem ajanga missile tululu bener aoba video ka lemsatepogo. Iba facility ya Lebanon nung amendaker alitsü ta amanger.

Institute for Near East tekolakba, Gulf Military Analysis aser security consultancy Riad Kahwaji-i ashiba agi, Hezbollah puri tang mezüngbuba parnok indang tunnel aser prangbong injang aser hadirtem sayuogo. Israel nem Lebanon memakdaktsütsü nükjidong nung iba video sayu asütsü ta amanger.

Gaza nung rara anen nung dang parnoki northern Israel nung Israel nunger sepaitem amakba anentsü ta shiogo.

Kasa mapang nung Israel Ato Kilonser Benjamin Netanyahu-i ashiba agi, tsükchirtem amaktsü aser defend asütsü parnok renema lir aser Hezbollah o Iran nati amakba nokdaktsü asoshi mulungteter lir.

Ajisüaka Gaza nung ceasefire benoktsü atema Israel tali nongshia arudar, kechiyong iba ajanga Lebanon aser Iran na densema rara tuluba mora aotsü aliba nokdaktsü ta amanger.

Tepokertem asütsüba temulung melemi bilemer 11 police temi khaset aser ka puogo, ta Haiti indang National Police otongdar Michel Ange Louis Jeune-i ashi.

Ajisüaka pai tepokertem kwin jena ao iba indang osang tejangja magütsü.

"Tensa azüoka lir sakal lendong tulu atalokogo. Sepaitem mejangba takdang ajak rongtokogo. Archives-a rongtokogo. Parnoki parnok indang cell dak alak ajak rongtoktsüogo," ta State Prosecutor Venson Francois-i ashi.

Francois-isa, nüburtem

Local sorkar ketdangsür Walter Montas-i ashiba agi, tepokertem chiyongtsü manguba aser parnok talidak majungba atema longkak aitba nungi iba mepetmesü ya tenzükba liasü.

2014 küm December ita Saint-Marc nung tepuokdak ka nung tepuoker 500 aliba nungi semer shi jena oa liasü, ta ketdangsürtemi ashi.

MOLUNGNE O



20.4.1935 - 13.8.2024

Onoki teti dang meima aliba ojala Lt. RENDIKALA LONGCHARI (Changki) la shirangba anogo nungi tasünü tashi yimer yimsanger, Arogotem, Kidanger, Kiyonger, Medemer aser temeimertem nenok kwikati ojala tatempang anogo nung nübu, rongsen, shisatsü aser sarasadem ajanga yaritepogo, kinungertemi kanga pelaba tsüngtong aruba meshitetba asoshi kanga sasar, saka nenok mapa tajung onoki kodanga mamatsü. Tsüngremi nenok taküm aser kibong tali moajang ta ozü sarasadem.

- Nü temeim Chirnur, Anükapang & Semchirtem

Turkey mirok mi nungi nisung meyirijang aika anienogo



Helicopter ajanga tzü enloktsüba noksa nung angur.

Ankara, Luroi/August 17

(Agencies): Turkey anüolen tesem balala nung mirok mi tesashi adokba sülen nisung 4000 dak tema aninogo, ta disaster management agency-i metetdaktsü.

Mopung kanga sashia aonba ajanga inyaksangshi mesü aliba Helicopter aser water bomber tem mi abentsü atema Turkey kübok Aegean tzüküm nung aliba Izmir yimti-i bener aruogo, ta broadcaster NTV-i metetdaktsü.

Interior Minister Ali Yerlikaya-i ashiba agi, Izmir kübok mirok mi agi kongshir aliba district pongu nungi nisung 900 aninogo.

Kasa mapang nung Disaster and Emergency Management Authority (AFAD)-i Honibarnü ashiba agi, Izmir nung alir nisung 1,430 tekümzükba bushia aninogo aser iba den Manisa nungi 1,475, Bolu nungi 516 aser Aydin nungi nisung 550 aninogo. Item yimtitem temeket nung tesem 131 nungi taoba hopta ishika tsüngda mirok mi adoka liasü.

Mongintemi ashiba agi, tzümopung melenshiba ajanga alima ajunga nung tsüngsang mongpu kanga mejungi kümogo aser iba ajanga mirok mi aser tzümetüsüng amala lendong kanga ajangshia arudar.

Haiti nung tepuoker 10 dak tema tepset

Port-au-Prince, Luroi/August 17 (Agencies): Haiti nung tepuokdak ka rapoker ajenba sülen tepuoker 11 taküm samaogo, ta ketdangsürtemi metetdaktsü.

Haiti nung ozüng alema inyaksangshiba teloktemi timtem agütsüba den humanitarian crisis tulu adoker aliba mapang taküm tang agi tasembenbuba tepuokdak rakpoka tepuokertem jenogo.

Police-i ashiba agi, linük yimtiba Port-au-Prince nungi km 88 shi pilar Saint-Marc yimti nung tepuokertem tepuokdak ka rakpoker jenshia liasü.

Tepokertem asütsüba temulung melemi bilemer 11 police temi khaset aser ka puogo, ta Haiti indang National Police otongdar Michel Ange Louis Jeune-i ashi.

Ajisüaka pai tepuokertem kwin jena ao iba indang osang tejangja magütsü.

"Tensa azüoka lir sakal lendong tulu atalokogo. Sepaitem mejangba takdang ajak rongtokogo. Archives-a rongtokogo. Parnoki parnok indang cell dak alak ajak rongtoktsüogo," ta State Prosecutor Venson Francois-i ashi.

Francois-isa, nüburtem

Local sorkar ketdangsür Walter Montas-i ashiba agi, tepokertem chiyongtsü manguba aser parnok talidak majungba atema longkak aitba nungi iba mepetmesü ya tenzükba liasü.

Agriculture and Forestry Minister Ibrahim Yumakli-i osangbenertem dang ashiba agi, manger mesangwa tsüngda

4buba Inter Department Badminton asayamung tembangogo



4buba Inter Department Badminton asayamung nung takoker aser ketdangsertem kulemi tangokba noksa angur. (Kohima, Aug. 17, 2024)

Kohima, Luroi/August 17 (TYO): Inter Department Badminton Club (IDBC) Kohima-i ayongzükba 4buba Inter Department Badminton Tournament Kohima edition Honibarnü Nagaland Legislative Assembly Stadium nung tembangogo.

Iba asayamung nung sorkar department 25 nungi tetsür aser tebur ajak senteper asayar 90-i arishi küm tasazük category balala nung shilem agiogo.

Asayamung shibangba sentong nung tetushi tejaoker ama Secretary & Ex-Officio Director Employment & Skill Development, Kohima District Badminton Association tir, Kovi Meyase-i, iba asayamung ajanga department balala nungi

officer aser staff tem longjemdaktsüba atema asayamung ayongertem nem tenüngsang agüja liasü.

Paisa, sempet tajung aketba asayartem temaba jenjang nung tokteptsü atema maongka angutsü imlaba lemsatepa liasü.

KDBA tir Meyase-isa, IDBC aser KDBA na longjemer district nung Badminton asaya ajungkettsü imlaba lemsatep.

Asayamung shibangba sentong ya IDBC züngsem M. Rhovisie Nyuwi lenisüba nung agi aser IDBC züngsem Sushil Kumar Patel-i tepela o jembia liasü.

Category balala nung takok angurtem:

Men's Double: Champion

Muzivo & Mudozo; Treasurers & Accounts Department; Runners-up: Modilo & Temsu; Treasurers & Accounts Department

Mixed Doubles: Champion Uma Tamang & Lantinmang; Nagaland Police;

Runners-up Kekhriesetuo Zuphrü & Neikethonuo Vakha; IDBC

Women's Doubles: Champion Uma Tamang & Seyiekunuo Lohe; Nagaland Police Runners-up: Prathana K. Thapa & Hailamlungle; Principal Accountant General.

Men's 50+ Doubles: Champion I. Temjen Ao & N. Wati (retirees)

Runners-up Tali Jamir & Atsüu Miachieo; IDBC.

Lausanne Diamond League nung Neeraj asayatsü



Neeraj Chopra

Luroi/August 17, 2024 (Agencies): Neeraj Chopra, meyipa marui Europe nung shibai 2024 Paris Olympics nung otsüsütüsa silver medal nguteta ano asayamung balala asoshi maneni renemdar.

33buba Summer Games tembangba sülen Chopra tanga asayartem ama kidangi meyipa maru saka Magglingen, Switzerland nung pa indang coach Klaus Bartonietz aser physio Ishaan Marwaha na den training agidar.

Pa kodang nungi asayatsü ta asüngdangba mapang Neeraj Chopra-i osangbenertem dang, pa Lausanne Diamond League nung asayatsü atema telemtetba agiogo, koba August 22 nü tenzüksü ta ashi.

Paisa, pa doctor ka den

Gold medal anguba atema Neeraj-i Pakistan nunger asayar Nadeem nem tenüngsang agütsü aser ashiba agi, pai gold medal ngur lila saká pa temang agi memela.

"Nadeem ya kanga meranga inyakba asayar ka lir aser pa den tokteptsü jaingrademtsüka aser iba anogoa kiuna kanga meranga tokteptsü ta meteter liasü," ta Chopra-i ashi.

"Pai nület tanabenbuba atsüba mapang Olympic record

ka yanglu aser iba ajanga ajak pressure nung toktsü, saka ni pa den taoba mapanga tokteper asünung ni pa indang record ajatettetsü ta meteta liasü aser ni nület tanabenbuba atsüba mapangbo tera agi dang 90 m matong, saka kü temang agi memela," ta paisa shisem.

Nepal nung ICC U19 men's cricket WC Asia qualifier asayatsü

Luroi/August 17, 2024 (Agencies): ICC U19 Men's CWC Asia Qualifier 2025

Nepal-i ayongzükba Kathmandu nung 2025 küm April 12 nungi 21 tashi asayatsü, ta Cricket Association of Nepal (CAN)-i metedaktsüogo. Iba Division 1 asayamung akokba team ICC Men's U19 Cricket World Cup 2026 atema qualify asütsü.

CAN-i ashiba agi, Asia atema qualifying asayamung nung Nepal, Afghanistan, Oman, Hong Kong, Singapore, aser UAE densema alitsü. Division 2 asayamung nung final tonga asayaba sülen Oman aser Hong Kong na iba asayamung nung asayatsü atema maongka nguogo.

Taküm küm tetenzüklen South Africs nung 2024 ICC Men's U19 Cricket World Cup asayaba mapang Nepal-ia shilem agiogo aser parnoki Afghanistan wicket ka agi akokba sülen Super Six stage-i ia liasü. Men's U19 World Cup 2026 ya Zimbabwe aser Namibia na sentepa ayongzükba

asayatsü, kong team 16-i shilem agitsü aser team pongu regional qualifiers nungi aittsü.

Defending champions ama Australia iba asayamung nung indang indanga shilem agitsü. February ita 2024 U19 Men's Cricket World Cup final nung Australia-i India run 79 agi koka liasü.

Asayamung ayongzükba asayaba linük Zimbabwe aser iba den Australia na densema Bangladesh, England, India, Ireland, Pakistan, New Zealand, Sri Lanka, South Africa, aser West Indies nungera 2026 küm iba asayamung nung indang indanga asayatsü.

Asayamung koba 1988 küm tenzüka liasü, iba ya küm ana nung khen asayar aser taruba küm ya iba asayamung 16buba asütsü.

Iba asayamung ya India-i timbaben (ponguben) koka lir aser Australia-ia pezüben koka lir. Maneni Pakistan-i anaben aser Bangladesh, England, South Africa, aser West Indies nungeria kaka koka lir.

Southampton-i Ugochukwu aser Lazio-i Dia alizükogo

Luroi/August 17, 2024 (Agencies): Southampton-i

midfielder Lesley Ugochukwu season ka atema Chelsea nungi loan nung anir aruogo, ta club sangdong ka ajanga metedaktsü.

Arishi küm 20 tain asayar ya Chelsea nung taoba küm France club Stade Rennes nungi euro million 30 shi yong arua dena liasü aser pa club nungi 15 ben asayaogo.

Ugochukwu ya Rennes Academy nungi aniteta asayar ka lir aser pa 2021 küm mezünguba senior team nungi asayaba sülen iba club nungi 60 ben asaya liasü.

"Southampton puti otsü kanga tajung. Asayar tajung aika Southampton nung arua asayaogo aser iba team nung densemba atema kanga pelar. Iba telemtetba agitsü temela liasü," ta pai ashi.

Southampton-isa, Aston Villa nungi Cameron Archer den küm pezü atema tenangzüktepba ka yangluogo. Pa pound million 15 shi agi alizüka liasü.

Kasa mapang nung Italy club Lazio-i Senegal nunger international asayar Boulaye Dia, Salernitana nungi küm ana atema loan nung anir aruogo aser iba den pa teti atema alizüksü asoshi lenmag sadema lapoka yuogo.

Pa sen kwi agi alizük iba indang club anapronglai osang magütsü saka Italy nung media tasen ka yanglu nület meter 92.97 tsüa liasü.



Lesley Ugochukwu

agi arishi küm 27 tain striker ya euro million 12 shi agi alizüker alitsü.

"Dia number 19 tola asemtsü," ta Lazio-i ashi.

Dia ya 2022 küm nungi Salernitana nung asaya tenzük aser pa asaya 52 nung goal 22 idakja liasü. Pa taoba season yiruba ajanga junga masayatet aser asayar 17 nung goal pezü dang idakja liasü.

Lazio nungi tongtibang asayartem aika oadokba sülen head coach tasenba Marco Baroni, shibai Igor Tudor melenogo, pa nem team yanglushitsü atema nongloksüogo.

Italy nunger striker Ciro Immobile küm ti asayaba sülen taoba ita club toktsüogo aser ano Luis Alberto, Daichi Kamada, aser Felipe Anderson nungeria club toktsüogo. Parnok Deobarnü Serie A nung mezünguba asaya Venezia den asayatsü.

BILEMDANGANG

"Yimjung melira terenlok malitsü."